



Kunnskapsdepartementet
Opplæringsavdelinga
postmottak@kd.dep.no

12 JUNI 2017

Arkivkode
&13

Dykkar ref.
THA

Arkivkode: *213*
Saksbeh.: *THA*
Dato
12.06.2017

SVAR PÅ HØYRING AV FORSLAG TIL NY GENERELL DEL AV LÆREPLANVERKET FOR GRUNNOPPLÆRINGA SOM SKAL ERSTATTE GJELDANDE GENERELL DEL OG PRINSIPP FOR OPPLÆRINGA

Kjølsdalen Montessoriskule SA ønskjer med dette å komme med følgjande uttale vedrørende forslag til ny generell del av læreplanverket for grunnopplæringa som skal erstatte gjeldande Generell del og prinsipp for opplæringa, jf. utsendte forslag av 10.03.2017.

1. Sitat høyringsbrev: «*Alle som arbeider i opplæringen, skal la dette grunnsynet prege planlegging, gjennomføring og videreutvikling av all opplæring fra grunnskole til videregående opplæring. (...) Dokumentet skal også gjelde for skoler godkjent etter lov om frittstående skoler (friskoler).*

Kommentar: Vi håpar at det kanskje vert tydeliggjort at skular godkjent etter lov om frittstående skular driv etter godkjent alternativ læreplan der desse er godkjente, (for oss vil det seie *Læreplan for montessoriskolen*) og at desse då arbeidar for å oppfylle grunnsynet lagt i den generelle delen etter dei pedagogiske prinsippa som den alternative pedagogikken legg til grunn. Vi som driv etter ein godkjent alternativ pedagogikk søker heile tida å kommunisere *ut* at vi både har ein eiga læreplan godkjent av Udir, men også at denne inneheld den same generelle delen som den planen offentleg skule følgjer. Vi tykkjer det hadde vore flott om dette vart kommunisert andre vegen i den generelle delen. Den generelle delen gjelder for alle skular i Noreg, offentlege eller skular godkjent etter lov om frittstående skular, men at dei såkalla *friskulane* har/kan ha eiga læreplan for å oppfylle den generelle delen.

2. *Punkt 1.2 Kultur, identitet og mangfold*

Kommentar: Under dette punktet meiner vi det manglar eit naturleg peik mot det nordiske perspektivet, som bakgrunn for den kultur, identitet og det mangfald som gjennom generasjonar har betydd mykje for utviklinga av det norske samfunnet. Dette i tillegg til det som ligg i forslaget.

3. *Forslaget elles*

Kommentar: Forslaget er litt prega av ordet *skal*, men det er kan hende ikkje så lett å kome utanom dette utan at det vert for «svevande». Vi stettar elles den gode prioriteringa av at opplæringa skal hegne om *heile mennesket* og at meistring kjem i fokus.

På vegne av KjølSDALEN Montessoriskule SA



KJØLSDALEN
MONTESSORISKULE
6776 KjølSDALEN
Tlf: 57 86 49 50
post@kjolsdalenmontessori.no
www.kjolsdalenmontessori.no

Thomas P.R. Hals, rektor / dagleg leiar